

saojvwz

Ranz Miz Nyeziq Ndeicaemz Lai

家有宝宝趣事多

□Dwng Yenvah/邓艳花

Ranz miz nyeziq ndeicaemz lailai, ranz miz nyeziq hix dwgrengz lailai. Ranghlwg cib ndwen cix doekseng okdaeuj, ndang in ndang dot, byonghhwnz lij hwnjdaeuj uet haex doq nyoh, bwnq neq bwnq haeux, lox riu rumx ninz. Vahsug naeuz, lajmbwn gij gyaex ceiq naekna de couh dwg gij gyaex daxmeh lo, banneix caj gou baenzmeh le cix roxnyinh daengz, dang bouxmeh lajmbwn caen mbouj ngaih ha.

Geij bi neix youq rog dajgoeng, lwg'iq hix dwg youq diegrog doekseng lo. Bouxbox beixnuengx cungj naeuz, youh dajgoeng youh dawzlwg dwgrengz lai lo, vihmaz mbouj ce lwg'iq youq ranzmbanj hawj bohmei coengh dawz? Lwngyez couhdwg gwnzndang bouxmeh doek roengz gaiqnoh ndeu, miz bouxmeh lawz cuengqsim ndaej gvaq. Caiq naeuz, bouxlaux ciengzseiz naeuz daengz, lwg mbouj nem meh, baezlaeng lwg maj le mbouj ndiep meh lo. Lwngyez seizneix mij doengz seizgonq lo, mij dwg caih de gwn imq daenj raeuj cix ndaej, lij yaek aeu de gwn ndei youq van, haiuk son'gvai ha. Lwg'iq gwq ngoenz gwq maj lo, youq gij ndwenngoenz majhung ndawde, hix miz haujlai saeh ndeiriun deicaemz.

Lwg'iq hag gangjavah seizde, baenzgoenz yi yi yaya mbouj daengx. Son de gangj vahraez: "Heuh daxmeh vei nuengxiq." De couh riengz gangj "da me me……", lumjbaenz duzyengz heuh nei ndeiriun lai lo. Caiq cam de: "Duzma guhlawz heuh ya?" "Vouh vouh……". "Duzmeuz guhlawz heuh ya?" "Mauh mauh……". "Duzgaeq ne?" "Cih cih



cih……". "Duzroeg ne?" "Cih cih cih……". "Duzroeg caeuq duzgaeq cungj heuh baenz cihcih cih ya?" Lwg'iq gaiqnaeuz de swheij gangj mbouj deng, cix swenj daej nga'nga lo. Mwnz yied bae lox de, de yied daejhaenq, doeklaeng yaeuh de naeuz, duzgaeq heuh cihcih cih lo o, duzroeg hix heuh cihcih cih lo o, nuengxiq gou gvai lai lo o, de cix daej daengx roengzdaeuj.

Miz mboengq ndeu, lwg'iq gyaex loengh soujgih, soujgih gwnz miz duzroeg ha duzma ha, fwngz yaep roengzbae, duzde cix rox saet bae saet dauq, lwg'iq cix riengz de bi fwngz bi hangx, ndeicaemz raixcaix. Soujgih deng de yaep baenz dwk dienhvah

okbae lo, baihe miz vunz ciepdingq le, soujgih sawqmwh hongz daengz: "Vei, mwnz ra bouxlawz ha? Vei, gangj vah vei?" Lwg'iq doeksat yat, vit aen soujgih le daejnya'nya hwnjdaeuj. Lox de naeuz soujgih ndawde dwg daxgoeng gangjavah, mwnz lij roxgeiq daxgoeng lwi? Lwg'iq yaepyaep lwgda, raemxda lij gamz youq ndaw gokda de cix han naeuz: "Daxgoeng bae ciengx vaiz, daxyah bae ndaem naz."

Meh gou dwg boux dang lauxsae, banneix geq le hix mij son saw lo. Miz mboengq ndeu de roengzdaeuj coengh gou dawz lwg'iq. Seizde lwg'iq hix ngamq hagrox byaijloh, rox ruenz, rox ndwn, rox byaij hoeng byaij mij bienz,

sam mbouj seiz cix daenghnaengh youq gwnzdieg daejnga'nga, gou cix simgip yaek dai, lau de deng laemx in roxnaeuz deng sieng. Baezbaez de laemx le, gou cungj sim'in bae rex de hwnjdaeuj. Miz mbat ndeu, lwg'iq youh laemx lo, caekhangx naengh youq gwnzdieg daej, gou ngamq yaek bae rex de, dinglingz meh gou cix naeuz gou: "Hawj de gag hwnjdaeuj, baezlaeng sibgvenq bae lo, ngoenz lawz caengj rox byaij ne." Meh gou daengz henzndang lwg'iq lox de: "O, laniq gou in lai lova, dwg duznou lajnamh deng laniq gou laemx lo." Meh gou aeu din ndeu roengzrengz daemh gwnzdieg, singhaenq naeuz: "Duznou dai, hawj laniq gou laemx, dub dai de bae! Mbouj aeu duznou neix!" Lwg'iq aiq dwg raen geizheih lai lo, yawj daengz meh gou loengh yienghneix, lumz liux indot lo. De gag ndwn hwnjdaeuj, saetsaet daemh-daemh song sam mbat, cix haeuj rungi meh gou bae lo. Gvaq le geij ngoenz, miz song boux baengzyoux daeuj ranz gou, lwg'iq hix mij lau vunzseng, caeuq bouxboux cungj ndeicaemz. Sawqmwh dingqnyi "bung" sing ndeu, lwg'iq naengh laemx gwnzdieg lo, laemx baenz haenq, banneix aiq in yaek dai lo. Gou gaiqnaeuz de yaek aj bak enj dungx daej yaek dai bae. Bouxlawz rox, de mij daej, menhmenh ruenz hwnjdaeuj, bongx buhvaq, caiq aeu song din daemh gwnzdieg geij mbat, damzbyoedbyoed naeuz: "Dub dai duznou neix, mbouj aeu duznou neix, duznou neix mbouj ndei saek di……" Baengzyoux gou yawjraen le cungj riu ndaej dungxin liux.

(caengz sat)

Gij naemjap Veiz Gozcingh neix, gvaqlaeng ndaej gij cangzveij dangveij ndaw gih doxyaeng dingh le, baenz le aen sonyinx swhsienj swcigih cei qdingh giva "samhaj" gunghyez fuengmienh ndeu.

Youq Sanghaij fukcaz gvaq caemhcai q doxyaeng ndei gij saeh senj cangj haenx le, Veiz Gozcingh cienj bae Hangzcouh laebdaeb liuzyangj seiz, youh daiq Gyangh Bingzciuh daengj vunz bae daengz gizde ngonzyawj hagsib gouzging.

Seizhaenx, Hangzcouh doek nae hung dwk, daihgya bae ngonzyawj gunghcangj cungj rox nit, Veiz Gozcingh cix ndwn youq gizde sijsaeq dingq cangj cangj caeuq canghcaixhangz gaisau cingzgvang. Ginggvaq de caeuq Cezgyangh Swngjveij boux suhgi daeuzit Gyangh Vaz doxyaeng dingh le, Hangzcouh goj doengzeiq bang Guengjsae saek song aen cangj.

Veiz Gozcingh lij cingj Cez-

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

gyangh gaisau gij gingniemh nungz-yez swnghecanj gyoengqde, sijsaeq cam gyoengqde ndaem ok haeuxgwn, ndaem gofoed, cauh ndoeng loegvaq daengj cingzgvang. De haemq haengj Cezgyangh bi ndaem song miuz, mouxcangj song cien gaen caeuq singz mbanj Hangzcouh cauh ndoeng loegvaq gij saeh neix, nyinhnaeuz gij gingniemh Cezgyangh guh hong nungzyez haenx, Guengjsae aeu hag.

Bi 1965 nienzdae, Veiz Gozcingh liuzyangj sat le dauqma Gveilinz. De coengzlaiz cungj gvansim

aensingz funghgingj gyaundeiz seiq-gyaiq okmingz neix guh hong hwnjguh. Geij bi gonq, Gveilinz guh le gij gviveh hwnjguh aensingz, muengh swcigih hawj di ngaenz, hwnjguh Gveilinz baenz aensingz funghgingj lijyouz ndeu. De gig haenhdoengz gij naemjap Gveilinz Si, de naeuz Gveilinz Siveij suhgi Vangz Yinz, seizneix Guengjsae lij mbouj miz baenzlai ngaenz, hoeng ndaej cingj cunghyangh bang, cingj Cunghnanzgiz dingjrengz. Gvaqlaeng, de lwnh hawj boux goengdaeuz

faenguenj giva guekgya Lij Fucunh fucunglij nyi le, cix ndaej le 100 fanh maenz; de youh lwnh hawj Dauz Cu nyi, youh ndaej le bae ngaenz ndeu. Gveilinz yungh gij ngaenz neix, guh ndei le Gamjluzdziznganz daengj geij aen gingjdiemj, bu le geij diuz roen, lij bae baujhoh le gij ndoengbei dieghenz Gamjcizsinghyenz. De mbouj lau naiq, angq-fwngfwng youz le geij aen gingjdiemj neix, lij ngonz le gij huq nungzcanjbinj Gveilinz.

(caengz sat)